



類說目錄卷之四十三

北夢瑣言

鄉貢進士李某

步打進士

楸玉局冷暖子

油客對棋

不覽白氏文章

上表訴冤

南華非僻書

鼻中龍虎氣文

詩許洞庭

田家詩

飯後鍾

金蓮花盆濯足

李帝師選婿

叉手而對

秃丁

此豚端正

離冤何處斷

錦半臂

足穀翁

命代英雄人中祥瑞

不肖子三變

無字碑

本分官

既受官爵何不食肉

嗜好

八行疊紙

天荒解

北韓南郭

弄笏唱浣溪沙

柳家細婢事賣絹牙郎

温飛卿謫官

東山尼失忠

白鳳凰

水月觀音

讀書萬卷飲酒百杯

拆襪線

好驢馬不入行

天性不飲

朱相卽是非相

涓縷朱申

孫氏詩

秦婦吟秀才

曲子相公

百詩如一首

李程賦且在

一片宮商

得力於猫兒狗子

灞橋風雪

題秦皇詩

內侍始用襴笏

交龍龜賦

李義山重陽留題

天靜星辰可摘

歷帝紀

崇文雪詩

題風箏

洞庭三冬無髭鬚

賈島佛

龕鄙句

自落便宜詩

駐馬上山河

淡菜非雅物

金鑲玉鈎鈎

出家者剃度

作呪雞翁

侯詠首過

聞父苦吟再生爲子

用破一生心

陰兵復饒

白蓮花玉環

風流帶焰

用禮庫

不愛紫衣僧

僧比蜀茶

不置油衣

內逼但講光訪

買鞋

登華山

阿灰作浣溪沙詞

落第詩

醮詩

天帝召滑能着棋

好食竹雞

喫鱸眼花

婢僕詩

道士行法事不虔

征遼碑

夢旛飛指

木星入南斗

玉界尺

坐主辱門生

病鶴詩

五髭鬚

魍鬼

採龜

睡龍

射鹿

六甲行厨

五采纏梯

這邊走那邊走

安天龍

鹿茸

紫稍花

點點師

煎餅招鬼

火燒瘡

衣冠土梟

一步一計

蒿餅子

白牡丹老嫗

誦天蓬

偷驢賊

蜀主詩詞

回避一抄夏供

替代

識字亂情

龍巢翻

乞食歌姬院

間氣布衣

偷江東集

僧鸞詩

鼓琴吹笛

檢譜角觥

醉鄉無戶稅

幽閑鼓吹

公主不視疾

宣宗問於勅史如何

立儲宮

長日惟消一局棋

遠郡謝表

張長史筆迹

米價方貴居亦不易

崢嶸甚

雁門太守行

訪李賀遺文

作假天子

寄杜黃裳錢并毡車

未坐慘綠少年全別

實告賢於能詩

金銅茶籠子物菴

錢至十萬通神

元載一書得絹千疋

段和尚製西涼州

牛僧孺詣于頔

法苑珠林

取兒償金色

金篦療目

夢賓頭盧

青衫白帽女化羊

負錢作牛

四十二章經

諸天雨

晤言消戚戚

般若臺

判夢四法

鵲尾爐

誦法華經

醉鄉日月

君子中人小人

醉有所宜

不歡之候

害馬

歡候

明府

飲飭

三材

犯觥令

飲儲

飲器

六鶴齊飛

手勢令

狂花病葉

招手令

令十說

徵名

寒筵冰法

霹靂醜

文心雕龍

竹生日

偷筍

類說卷之四十三

宋温陵曾 慥 編

明 新野馬之騏叅閱
山陽岳鍾秀訂正

北夢瑣言

鄉貢進士李某

唐宣宗好儒雅留新貢舉題殿柱曰鄉貢進士李某

步打進士

僖宗好蹴鞠鬪鷄自以能於步打謂優人石

野豬曰朕若作步打進士合得狀元對曰或
遇堯舜禹湯作禮部侍郎陛下不免落第
楸玉局冷暖子

日本國王子入貢善圍碁帝令待詔顧師言
與之對手王子出本國如楸玉局蓋玉之蒼
者如楸葉色冷暖玉碁子冬暖夏涼師言懼
辱君命汗手死心始敢落指王子不勝問禮
賓曰第三手也王子願見第一手賓曰勝第
三可見第二勝第二可見第一王子嘆曰小

國之一不及大國之三

油客對碁

蜀間之刺史安重霸瀆貨無厭州有油客子
姓鄧安召與對敲只令立侍每落一子俾退
立墉下喚我算路始進終日僅下數十子而
已鄧生倦立飢不可堪或諷曰此侯好賂本
不爲碁鄧然之以十金鋌得免

不覽白氏文章

劉禹錫謁李德裕曰曾得白居易文集否德

類言 卷之四十三
二
裕曰吾於此人不足久矣其文章何必覽焉
上表訴寃

令狐絢怙權出鎮維揚上表訴寃云臣非美酒美肉安能啖衆人之口

南華非僻書

令狐絢以故事訪於溫岐對以事出南華且曰非僻書也相公燮理之暇時宜覽古絢怒奏岐有才無行授方城尉岐詩云因知此恨人多積悔讀南華第二篇

鼻中龍虎氣交

王庭湊生於別墅有鳩數十朝集庭樹暮宿簷下常寢於途有人自云濟源駱山人見君鼻中之氣左如龍右如虎龍虎氣交王在今秋子孫相繼滿一百年大樹及堂是其兆也是年果爲鎮州三軍立爲留後至期而別墅之庭樹婆娑矣

許洞庭

許棠有洞庭詩尤工時號許洞庭

田家詩

聶夷中咏田家詩云父耕原上田子斫山下
荒六月禾未秀官家已修倉鋤田日當午汗
滴禾下土誰念盤中飡粒粒皆辛苦又曰二
月賣新絲五月糶新穀醫得眼前瘡剗却心
頭肉我願君王心化作光明燭不照綺羅筵
偏照逃亡屋

飯後鐘

段相文昌少貧每聽曾口寺齋鐘輒詣謁飡

爲寺僧所厭乃齋後扣鐘後入相出鎮京南
題曾口寺云曾遇闍黎飯後鐘或云王播相
公題揚州沃寺詩亦兩存之

金蓮花盆濯足

段文昌富貴後打金蓮花盆盛水濯足或窺
之答曰人生幾何要酌平生不足也

李帝師選婿

李光顏愛女未聘賓僚盛譽一鄭秀才詞學
門閥公曰某一徒兒也偶立微功豈可妄求

壻仕族已選得一佳壻乃召客司小將曰此
即其女匹也超三五階軍職厚與金帛而已
或曰李帝師與侯景求婚王謝何其遠哉
叉手而卧

王文公凝每寢必叉手而卧慮夢中見先靈
也

秃丁

高駢鎮蜀有開元寺僧黃昏禮贄公命擒之
笞背皆斥逐語將吏曰僧徒禮念亦無罪過

但以此十年後當有秃丁作亂我以是厭之
其後土人果秃髮執兵號大髡小髡據此寺
爲寨

此豚端正

路岩貌美善巾褱間巷有祗服修容者人必
譏曰爾非路侍中耶嘗鬻豚之肆見僧豕者
謂屠坐豚端正路侍中不如

離竟何處斷

路侍中自成都移鎮渚宮於合江亭離筵官

岐行雲等感恩多詞所謂離魂何處斷烟雨
江岸南

錦半臂

鄭愚以錦爲半臂後以所業授崔鉉鉉曰真
消得錦半臂

足穀翁

韋宙善治生江陵庄積穀有七十堆宣宗曰
此所謂足穀翁也

命代英雄人中祥瑞

吳行魯少事內官西門軍容一日爲洗足中
尉以脚下文理示之曰如此文理爭教不作
軍容行魯曰某亦有之乃脫履呈中尉嘆曰
我爲汝成之後假以軍職有功除西川節度
制云爲命代之英雄作人中之祥瑞
不肖子三變

不肖子弟有三變第一變爲蝗虫謂鬻庄而
食第二變爲蠹魚鬻書而食第三變爲大虫
謂賣奴婢而食此輩何代無之

無字碑

趙崇標質堂堂不爲文章號無字碑

本分官

薛能尚書以文章自負累出戎鎮常邑邑有詩謝寄柱茶云僦官乞與真拋却賴有詩名合得嘗鎮許昌日令其子具韃叅諸幕客曰俾渠消災蓋不得本分官矯此以見志

旣受官爵何不食肉

崔慎由廉察浙西有瓦官寺僧爲門徒有術

士言相國氣色有貴子夫人妾媵皆無所見乃召魯侍更衣官妓術云日果在此也及誕腋下有文卽瓦官僧因名小字繡郎七歲尚不食肉有僧掌其腮曰旣受官爵何不食肉自此方味葷血卽國胤也

嗜好

崔鉉好食新捻頭杜幽公每早食饋飯乾脯崔侍中安潛好看鬪牛

八行疊紙

類說 卷之四十三
盧相光啓先人伏刑爾後兄弟修飾謂親知
曰此乃開荒也策名後受知於租庸張濬每
致書疏凡一事別爲一幅八行重疊別紙自
公始

天荒解

荊州每歲解舉人多不成名號天荒解劉蛻
以荆解及第後號破天荒

北韓南部

成令公泐一夜爲巨蛇遶身乃曰苟有所負

死生惟命逡巡蛇亦亡去後鎮渚宮厲精爲
治朝廷號北韓南部韓卽華州韓建成令公
姓郭後歸姓

弄笏唱浣溪沙

薛昭緯恃才傲物每入朝省弄笏而行又好
唱浣溪沙詞有門生獻規曰侍郎重德爾後
不請弄笏與唱浣溪沙時謂至言

柳家細婢事賣絹牙郎

柳仲郢僕射有婢失意鬻於成都蓋巨源使

類記 卷之四十三
君欲之取致其家一日通衢有鬻綾羅者從
窓下窺蓋公於束縑內選擇舒卷酌酢可否
柳婢失聲而仆似中風蓋命扶出翌日瘳曰
某雖賤人曾爲柳家細婢死則死矣安能事
賣絹牙郎乎

溫飛卿謫官

溫庭雲字飛卿或作筠舊名岐每入試押官
韻作賦凡八义手而八韻成多爲隣鋪假手
號曰救數人也宣宗詩句有金步搖溫以玉

條脰續入藥名白頭翁溫以蒼耳子爲對宣
宗好微行溫不識之詰曰公非司馬長史之
流文參簿尉之類帝曰非也謫爲方城縣尉
制詞云徒負不羈之才罕有適時之用竟流
落而死常題村氏林亭云卓氏壚前金線柳
隋家堤畔錦帆風貪爲兩地行霖雨不見池
蓬照日紅

東山尼矢志

東山尼開堂說法禪師鄧隱風有道者也試

其所守中夜挾刃入禪室欲行強暴尼憚死
失志隱峯取其衲服集衆以曉之其徒立散

白鳳凰

沈詢侍郎清粹端美除山北節旄京師咸誦
曹唐遊仙詩云王詔新除沈侍郎便分茅土
領東方不知今夜遊何處侍從皆騎白鳳凰
卽丰姿可知也

水月觀音

蔣凝侍郎亦有人物時號水月觀音

讀書萬卷飲酒百盃

高測上張燕公啓事云讀書萬卷飲酒百盃
公曰萬卷書未易徵詰百盃酒以奉試乃飲
以酒果如所言

拆襪線

韓昭任蜀粗有文章李台叟曰韓八座事藝
如拆襪線無一條長

好驢馬不入行

李德裕不樂應舉父勉之答曰好驢馬不入

類詩 卷之四十三
行由是以品子叙官

天性不飲

有士子謁陸相辰公命酒勸之辭曰天性不飲酒公曰誠如所言已拔五分蓋平生悔吝若有十分不爲酒自然減半

朱相卽是非相

光化中朱朴自七詩博士登庸自言可以立致太平內宴日俳優穆刀綾作念經行者至御前曰若見朱相卽是非相

涓縷未申

朱朴拜相時人曰朱公涓縷未申而赦樂僮

吹感策

孫氏詩

進士孟昌期妻孫氏善爲詩一旦聞之以爲才思非婦人之事有白蠟燭詩曰自有清香勝蕙蘭一條白玉逼人寒他時紫禁春風夜醉草天書仔細看聞琴詩曰近若流泉來碧嶂遠如玄鶴下青冥謝酒詩云好是綠窻風

月夜一盃搖蕩滿懷春
秦婦吟秀才

李遠詩云人事千盃酒流年一局碁唐宣宗以非牧人之才不與郡守蜀相韋莊應舉時黃巢犯闕著秦婦吟云內庫燒爲錦綉灰天街踏盡公卿骨多訝之號秦婦吟秀才

曲子相公

晉相和凝好爲曲子號曲子相公

百詩如一首

薛能還劉仁德卷詩云百首如一首卷初如卷終譏其不能變態也

李程賦且在

李程以日五色賦擢第爲河南尹舉人有浩虛舟行卷中日五色賦程覽至末韻侵晚水以芒動俯寒山而秀發大哈曰李程賦且在瑤日何爲到夜秀發

一片宮商

沈光有洞庭樂賦韋岫目此賦乃一片宮商

得力於猫兒狗子

盧延讓有句云狐冲官道過狗刺店門開又云餓猫臨鼠穴嚙犬舐魚砧又云栗爆燒毳破猫跳觸鼎番頗爲時貴所賞盧曰平生投謁公卿不意得力於猫兒狗子也

灞橋風雪

或問鄭祭新對曰詩思在灞橋風雪中驢子上此處何以得之

題秦皇詩

宣宗閱趙嘏詩卷有題秦皇詩云從知六國隨斤斧莫有群儒辨是非上不悅

內侍始用欄笏

唐自安史後戎柄皆付大閹魚朝恩竇文楊乃其魁自楊復恭始用欄笏以前紫缺而已交龍龜賦

皮日休謁歸融尚書不見因撰交龍龜賦譏其不出頭也融亦撰皮鞞鞋賦遞相謗誚

李義山重陽留題

李商隱令狐陶父楚之故吏也殊不展分重
陽日義山詣廳事留題云十年泉下無消息
九日樽前有所思郎君官重施行馬東閣無
因許再窺相國乃扃閉此廳終身不處因怒
義山官止使下員外
天靜星辰可摘
顧雲爲高燕公草齋詞云天靜則星辰可摘
奇險之句施於至敬可乎

歷帝記

孔緯每朝士上封事不暇周覽但曰古今存
亡其知之矣未審所陳利害何如于誨上崔
相啓事數千字上至堯舜下及隋唐一興一
替止於歷帝記也

崇文雪詩

高崇文本將校因功授西川節度嘗作雪詩
曰崇文崇武不崇文提戈出塞號將軍那個
醉兒射鴈落白毛空裏落紛紛鄙語呼人曰
醉兒

題風箏

高餅鎮蜀築羅城四十里朝廷疑之一日聞
樂聲知有改移乃題風箏日夜靜絃聲響碧
空宮商信任往來風依稀似曲纔堪聽只恐
風吹別調中俄報移渚宮

洞庭三冬無髭鬚

洞庭湖濶數百里秋水歸壑惟一條湘川而
已僧齊已欲吟一詩未得有蔡押衙者吟曰
可憐洞庭湖却到三冬無髭鬚以其不成湖

也

賈島佛

進士李洞慕賈島每欲鑄而頂戴常念賈島
佛

龕鄙句

包贖多爲龕鄙句如苦竹笋抽青撼子石榴
樹掛小瓶兒又云墓是山鍾子舡爲水鞞鞋
又云櫓搖舡掠髮風動水搥胸

自落便宜詩

世傳逸詩曰窓下有詩留客宿室中無事伴
僧眠號日落便宜詩

駐馬上山河

顧况披道士服在茅山有秀才行吟曰駐馬
上山河况云風來屎氣多秀才云道士莫無
禮顧曰是况其人慚退

淡菜非雅物

孫光憲詩云曉厨烹淡菜春杼織橦花牛翰
林曰吾子安知淡菜非雅物也

金鎖玉鈎鈎

杜荀鶴詩云舊衣灰絮絮新酒竹芻芻韋相
詩云印將金鎖鎖簾用玉鈎鈎其氣槩可見
矣

出家者剃度

曹相雄夢爲僧心惡之有一士曰侍郎旦夕
必登庸出家者剃度也時杜相出鎮江西公
果大拜

作祝雞翁

李德裕至朱崖著四十九論叙所志嘗遺段承式書自到崖州幸且頑健居人多養雞往往飛入官舍今且作祝鷄翁耳

侯詠首過

豆盧瑑罷相乘閑詣僧院獨坐儼然一叟也舉子詠自外門入殊不顧揖謂叟曰文參長史乎曰非也令掾乎曰非也遠州刺史乎曰稍高又曰少卿監乎答曰更向上去生矍然不安疑是丞郎出門知是盧相也歸貢長牋

首過亦恕之留而命酒凡十盃乃小懲也
聞父苦吟再生爲子

顧况字逋翁暮年一子卽非熊前身也一旦暴亡况追悼哀切乃吟曰老人喪愛子日暮泣成血老人年七十不作多特別非熊在冥間聞之以情告冥官皆憫之却令生况家三歲能言冥間聞父苦吟之事

用破一生心

李頗詩曰只將五字句用破一生心

陰兵復仇

楊收貶死嶺外鄭愚尚書鎮南海忽見楊相
 相曰某為軍容使楊玄价譖害得請於帝賜
 陰兵復仇欲借十萬緡鄭許其半曰非銅錢
 也燒時幸勿著地長揖而滅即具素錢祭之
 後見楊乘白馬背朱弓撚彤矢有天吏鞚馬
 曰我殺楊玄价射中其脚俄玄价病脚疾而
 殂

白蓮花玉環

元和中蘓昌遠居吳中水鄉一女即素衣紅臉
 若神仙中人自是相狎贈以玉環一日見檻
 前白蓮花開花中有物乃玉環因斷之遂絕
 風流帶焰

有娼徐月英送人詩云惆悵人間萬事違兩
 人同去一人歸生憎平望亭前水忍照鴛鴦
 相背飛金陵一營妓卒而焚之月英曰此娘
 平生風流沒亦帶焰

周禮庫

李涪尚書號周禮庫蓋精於舊典也

不愛紫衣僧

狄歸昌右丞愛與僧遊有服紫袈裟者乃疎之每誦前輩詩曰因過竹院逢僧話又得浮生半日閑

僧比蜀茶

鄭谷亦愛僧用比蜀茶曰與僧未必皆美不欲捨之

不置油衣

孔極侍郎朝回遇雨避於坊叟之簾下延入廳事叟烏帽紗巾逢迎甚恭因備酒饌一一精好孔公借油衣叟曰某寒不出熱不出風不出雨不出未嘗置油衣也孔公不覺頓忘宦情

內逼但請光訪

有丞郎馬上內逼急詣一空宅徑登溷軒乃大優穆刁綾空屋也將上馬穆優忽至曰侍郎他日內逼但請光訪

類詩
卷之四
買鞋

薛侍郎未登第前就肆買鞋鞋主曰秀才脚第幾對曰與昭緯作脚來未曾與立第也

登華山

道士程子霄登華山偶顛什宇文翰戲曰不知上得不得且恠懸之又懸

阿灰作浣溪沙詞

張禕侍郎喪愛妾悼念不已其猶子署作浣溪沙詞枕障煙爐隔綉幃二年終日兩相思

好風明月始應知天上人間何處去舊歡新夢覺來時黃昏微雨畫簾垂大院朝退觀詞慟曰必是阿灰所作然於名教還亦不可灰阿中諫小字也

落第詩

高蟾落第詩云天上碧桃和露種日邊紅杏倚雲栽芙蓉生在秋江上不向東風怨未開胡曾下第詩云翰苑何時休嫁女文章早晚罷生兒上林新桂年年發不許平人折一枝

醮詩

李浣醮詩云一封紅篆書爲奏塵寰事

天帝召滑能着棋

待詔滑能碁甚高少逢敵手有張小子請饒
一路隨手輒應一旦曰某非棋客天帝命我
取公着棋請指揮家事滑奄然而逝

好食竹鷄

有富商暴亡鑿工梁新診視曰尋常嗜何物
僕夫曰好食竹鷄新曰竹鷄食半夏中半夏

毒也命搗薑汁灌之方甦

吃膾眼花

有一少年眼中常見一鏡醫工趙卿曰郎君
吃膾太多醬醋不快又有魚鱗在胸中所以
眼花乃設芥醋一甌忍飢啜之遂愈

婢僕詩

李昌符作婢僕詩五十首有云不論秋菊與
春花個個能噎空肚茶無事莫教頻入庫一
應閑物要些些

類記 卷之四十三
道士行法事不虔

玉局觀二道士上壇行法事其僕忽見四人着緋自天而下拽二道士壇前鞭背二十相次患發背而死

征遼碑

張建章泛海遇風忽有青衣曰奉天仙命請大夫俄至大島有女仙甚盛食畢告退女仙曰子不欺暗室君子人也及還風濤寂然又回風至西岸太宗征遼碑在水中建章帛苞

麥屑至水中摸而讀之不欠一字

夢幡飛指

劉仁恭微時夢佛幡于手指飛或曰君年四十九必有旌幡之貴果然

木星入南斗

軋符中木星入南斗知星者咸曰金火土犯斗則爲災惟木爲福術士邊岡曰木在斗中朱字也識者言唐有緋衣之讖裴字爲緋衣牛字着人卽朱也裴度牛僧孺每應此讖安

知鍾於碭山之朱乎

玉界尺

趙光逢丰神秀異號玉界尺

坐主辱門生

封舜卿與門生鄭致雍同入翰林鄭有俊才
封思拙俗時謂坐主辱門生

病鶴詩

沙門貫休風騷之外精於筆札成中令問其
筆法休曰此事須登壇而授安可草草而言

成銜之通於黔中因以病鶴詩見意詩曰見
說氣清邪不入不知爾病自何來

五髭鬚

江陵有村民事伍子胥神誤呼五髭鬚乃畫
五丈夫皆髭腮祝呼之祭云一髭鬚二髭鬚
五髭鬚

魃鬼

江河邊多魃鬼往往呼人姓名應之必溺死

採龜

類說

卷之四十三

七

南人採龜屎以其性妬而與蛇交採時取雄
龜以鏡照之既見鏡中龜卽淫發而失溺
卽以物取之

睡龍

江南蘆荻之間往往燒起睡龍辰州民燒起
一龍四面風雷急雨不能撲滅尋爲煨燼而
角不化瑩白如玉

射鹿

唐州有民獵深山射中一鹿視之乃人也呼

獵者曰我隋初隱此山今日合死於子之手
但置我石室間獵者諾之逡巡而絕獵人旬
日再往卽亡其屍矣

六甲行厨

修道功深者享六甲行厨凡有所須舉意卽
至

五彩纏梯

馮涓失意蹭蹬有詩云取水郎中何日了破
柴員外幾時休年八十五以五彩纏梯穿

屋直冠帶立梯一級而終

這邊走那邊走

蜀後主裹小巾其尖如錐宮妓多衣道服簪以蓮花冠因施胭脂夾臉號醉粧作詞云這邊走那邊走只是尋花柳那邊走這邊走莫厭金盃酒

安天龍

滄州有民子路逢白蛇以繩繫之擺其頭落須臾雷電撮此子上空中爲電火燒死有朱

書云此人殺安天龍爲天符所誅

鹿茸

南中多鹿一牡管牝百數至春羸瘦夏食菖蒲却肥獵者先以繩繫其茸截取之以末散也

紫稍花

龍生二卵一爲吉了上岸與鹿交或遺精枯槎號紫稍花益陽道

點點師

蜀州靈鷲山有僧卧一室常用手點胸時號
點點師

煎餅招鬼

夜作煎餅多招鬼神有儒生出通衢有云昨夜崇福院僧作煎餅肉羹被我番其鼎噐其肉羹和灰埋花欄中又一鬼於人家不得煎餅推其小婢落火復一鬼至云我能鑿火燒瘡爾但與我煎餅因教之有姬夜作煎餅窓中忽露一青手遺餅而沒

火燒瘡

火燒瘡無出醋泥甚驗

衣冠土梟

起居郎蘓楷寢陋無行人目爲衣冠土梟

一步一計

李克用入魏博覘云城上有旗幟來往晉王曰劉鄩一步一計更令審探果縛芻爲人縛旗於上驢負之循堞而行鄩軍已去二日矣
蒿餅子

貫休真率嘗有僧許蒿脯未得乃拍手謂曰
你蒿餅子何在

白牡丹老嫗

人之家道切要防閑發婦少婢僕處子不正
之偶往往有焉有嫗號白牡丹蓄下胎藥臨
終見嬰兒無數聚啖其腦

誦天蓬呪

曹肅西庄多為跨白鶴書生所魔有魏處士
夜見跨馱者所逐誦天蓬呪無恙又夢鬼追

之甚急空中有人授大斧一揮人馱俱斃

偷驢賊

王先主微時偷驢遭刑攻東川為守陴卒日
夜叫偷驢賊先主謂俳優王舍城曰為我罵
之優戟手指城上人且令靜聽曰我偷你屋
裏驢耶城上皆笑一旦袒背示舍城無瘡痕
舍城曰大好大好何處得此膏藥

蜀主詩詞

蜀後主荒於酒色月夜每言惆悵惆悵又云

切道斷人生幾何有分者任作傀儡入秦至
劍州悅江水之美詩云不緣朝帝闕好此結
茅廬至咸陽撰曲子云盡是一場傀儡
迴避一抄夏供

貫休戒行精嚴求化養衆徐簡夫曰所在長
老有似蜣螂見糞盡卽翻然而飛衆僧依
長老相聚而食僧亡卽索然而去休怒拂袖
而出簡夫曰又迴避得一抄夏供也

替代

荆南都頭李遇疾困攝至陰府逢一人先物
故者曰常侍安得此來復有一人云已追到
李遇遂蘇見妻子泣其身下卧一畫人號替
代

識字亂情

李義山雜纂云婦人識字卽亂情尤不可作
詩詩思不出二百里

龍巢翻

夷陵江或浮大木蔽塞水面上人謂之龍巢

類說

卷之四十三

五

翻

乞食歌姬院

裴休披毳衲於歌姬院持鉢乞食日不為俗情所染可以說法為人

間氣布衣

皮日休傲誕自號間氣布衣

偷江東

鄴王羅紹咸慕江東羅隱詩賦目其集曰偷江東

僧鸞詩

僧鸞鄙賈島詩自諷其詞云鯨目光燒半海紅鰲頭浪撼天白又云我不能致思於藩籬蹄涔之間

鼓琴吹笛

温庭筠善鼓琴吹笛云有絃即彈有孔即吹不必柯亭爨桐也

檢譜角觥

顏王雲論兵必攘袂叱咤若對大敵人號檢

類記
卷之四
譜角觥

醉鄉無戶稅

劉虛白嗜酒有詩云知道醉鄉無戶稅任教
荒却下丹田

幽閑鼓吹

公主不視疾

宣宗萬壽公主駙馬鄭尚書之弟凱有危疾
上使訊之回問公主視疾否曰在慈恩寺看
場戲上曰我惟士大夫不與我爲親良有以

也召主責曰豈有小郎病乃就看他處乎立
遣歸宅

寄杜黃裳錢并羶車

李師道跋扈憚杜黃裳爲相未敢失禮命幹
吏寄錢數千緡并羶車子一乘亦直千緡使
者宅前伺候累日有綠輿出從二青衣藍縷
問何人曰相公夫人使者遂歸以告師道折
其謀終身不敢失節

末坐慘綠少年全別

潘炎德宗時翰林學士妻劉晏女也京兆有
故伺候累日不得見乃遺守門者三百縑夫
人曰豈有人臣京兆尹願一見遺奴三百縑
其危可知也勸炎避位子孟陽初爲侍郎夫
人曰以爾人材而位丞郎吾懼禍至試會爾
同列吾觀之客至夫人喜曰皆汝之儔也末
坐慘綠少年何人也曰補闕杜黃裳夫人曰
此人全別必是有名卿相

實告賢於能詩

元稹在鄂州周復爲從事相國賦詩命院中
屬和復曰某偶以大人往還謬獲一第其實
詩賦皆不能也相國曰遽以實告賢於能詩
金銅茶籠子物箴

崔造退位一二歲居閑躁悶謂兒侄不得他
諸道金銅茶籠子物箴也遂復起

錢至十萬通神

張延賞判度支有獄頗冤濫公召吏嚴戒旬
日湏了明日案上有小帖子曰錢三萬乞不

問此獄公怒更促之明日帖子云錢五萬貫
公亦怒明日復見帖子曰錢十萬貫遂止不
問所親偵之公曰錢至十萬通神矣無不可
爲之事吾懼及禍不得不止也

元載一書得絹千疋

元載在中書有丈人來投裁度其人不任事
贈河北一書丈人不得已持去既至幽州及
拆視之更無一詞惟署名而已大悔怒欲回
試謁院吏斯湏有大校持箱復請書書入館

之上舍留連數日奉絹千疋

段和尚製西涼州

元載子伯和勢傾中外福州觀使寄樂妓十
人既至半歲不得送使者窺伺門下有琵琶
康崑崙最厚乃厚遺求通既送妓伯和一試
盡以遺之有段和尚善琵琶自製西涼州崑
崙求之不與以樂之半贈乃傳

宣宗問於勅使何如

宣宗問韋澳曰朕於勅使何如澳卽述上威

制前朝無比上閉目搖手曰總未總未依前
怕他在計將安出澳曰謀之外廷恐有太和
未事不若就其中揀才識者委以計上曰朕
已行之自黃至綠自綠至緋皆感恩若紫衣
掛身卽一片矣公慚而退

立儲宮

裴休嘗論儲宮當立宣宗曰若立儲宮便是
閑人

長日惟消一局棋

宣宗坐朝次對官必待氣息平均然後問事
令狐相進李遠知杭州上曰遠詩長日惟消
一局碁可臨郡哉

遠郡謝表

宣宗視遠郡謝上表左右曰不足煩聖慮上
曰無非時章奏只有此表安知其不有情懇
乎吾不敢忽

張長史筆迹

張長史爲常熟尉有老父過狀判去數日復

至曰某實非論事觀公筆迹奇妙耳

米價方貴居亦不易

白居易初以詩謁顧况况熟視姓名曰米價方貴居亦弗易披卷首曰咸陽原上草一歲一枯榮野火燒不盡春風吹又生况曰道得個語居即易矣因為延譽聲名大振

崢嶸甚

喬彞京兆府解試渥洼馬賦警句曰四蹄曳練番瀚海之霜華一噴生風下胡山之木葉

便欲首送乃曰崢嶸甚宜以解副薦之

鴈門太守行

李賀以歌詩謁~~吏部~~歸極困解帶讀之首篇鴈門太守行黑雲壓城城欲摧甲光向日金鱗開却束帶~~邀~~之

訪李賀遺文

李藩常綴李賀歌詩知賀表兄與賀筆硯之舊託訪所遺其人曰某盡記其數為亦多點竄請得所緝者為改正公併付之彌年絕迹

公怒召詰之答曰恨其傲忽常思報之其文已投溷中矣故賀篇什流傳者少

作假天子

苗帝師落第出都門有父老曰要知前事耶曰某有一第分乎曰大有事苗曰一郡乎曰更向上曰廉察乎曰更向上將相乎曰更向上公怒曰作天子乎曰天子真者不得假者卽得後果爲將相及德宗升遐攝之冢宰三日

牛僧孺詣于頔

牛儒孺詣襄陽于頔求知頔以海客遇之牛怒而去後召客將問牛秀才發未曰已去立命小將賫書絹五百疋追之僧孺不啓封揖回

法苑珠林

取兒償金色

梁南陽人侯慶有一銅像慶有一牛擬化爲金色像曰卿夫婦負我金色久不償今取卿

類言 卷之四十三
兒醜多以克色至曉醜多病卒像忽自有金色光照四隣隣里皆來觀焉

金鏡療目

後周張元其祖喪明元然七層燈七晝夜讀藥師經每日行道曰今以燈光普施法界乞祖目明元求代暗夜夢一翁以金鏡療其祖目三日後其目果瘥

夢賓頭顱

晉釋道安者註般若諸經恐不合理乃誓曰

若所說不違理者當見瑞相乃夢胡道人白頭眉長語曰君所註經殊合道理我不得入泥洹住在域當相助弘通可時設食也後遠公云和尚所夢乃是賓頭顱也

青衫白帽女化羊

唐長安市裏每歲元日已後通飲食相邀號爲傳坐東市趙太次當設之有客先到見碓上童女青衫白帽以索繫頸于碓柱泣曰我主人女也盜父母錢欲買脂粉未及而死其

錢今在厨舍壁中坐此得罪今當償命言畢
化爲青羊白頭客驚告主人主人問其形貌
乃是小女死已二年于厨壁取得錢於是送
羊僧寺闔門不復食肉

負錢作牛

永徽中汾州人路伯達負同縣人錢一千後
與錢主佛前誓曰若我未還公願死與君家
作牛逾年而死錢主家牝牛產一赤犢子額
上白毛爲路伯達三字

四十二章經

漢明帝夢金人飛空而來未幾僧摩騰自天
竺至乃立精舍以居之今洛城西白馬寺是
也譯二十四章經傳于世

諸天雨

兜率天雨摩泥珠護世城雨美膳阿修羅天
雨兵仗閻浮世界謂熱也

晤言消戚戚

謝安與支遁書曰人生如寄耳終日戚戚遲

君來晤言消之

般若臺

陳文達持誦金剛經有人入冥見築臺云此般若臺待陳文達

判夢四法

判夢有四法一曰无明薰習二曰舊識巡遊

三曰大偏增

四曰善惡先兆

鵲尾爐

香爐有柄可執者曰鵲尾爐

誦法華經

釋慧慶誦法華經夜間空中有彈指贊嘆之聲嘗遇風濤慶誦不輟舡在浪中如有人牽之倏忽至岸

醉鄉日月

醉鄉所宜

凡醉有所宜醉花宜晝襲其光也醉雪宜夜消其寒也醉得意宜唱宜其和也醉將離宜擊鉢壯其神也醉丈人宜謹節奏慎章程畏

其侮也醉後人宜益觥盃加旗幟助其烈也
醉樓宜暑資其清也醉水宜秋泛其爽也此
皆審其宜攻其景反此則失飲之天矣
君子中人小人

凡酒以色清味重而飴爲聖色如金而味醇
且苦者爲賢色黑而酸醜者爲愚以家醪糯
觴醉人者爲君子以家醪黍觴醉人者爲中
人以巷醪秫觴醉人者爲小人
不歡之候

不歡之候有九主人吝一也賓輕主二也鋪
陳頽而不叙三也樂生而妓驕四也數易令
五也騁牛飲六也迭恠諧七也手相八也
歡骰子九也

害馬

酒謂不可與飲者爲歡場之害馬

歡候

歡之候十有三得其時一也賓主久間二也
酒醇而主嚴三也非觥壘不謳四也不能令

類記 卷之四十三
有耻五也方飲不重膳六也不動筵七也錄
事貌毅而法峻八也明府不受請謁九也廢
賣律十也廢替十一也不恃酒十二也使勿
歡勿暴十三也

明府

凡飲以一人爲明府主斟酌之宜酒懦爲曠
官謂冷也酒猛爲苛政熱也

飲飾

飲飾者如暑中置寒筵冰之類

三材

凡飲以一人爲錄事以糾坐人須擇有飲材
者材有三謂善令知音大戶也

犯觥令

初犯令律事以本戶繩之不止者置觥錄事
投旗於前曰某犯觥令

飲儲

下酒物色謂之飲儲

飲器

類記

卷之四十三

三

飲器大曰武小曰文

六鶴齊飛

古者交歡多為博列子曰虞氏設樂飲酒擊博接士其齒以牙飾以箭長五寸其數六刻一頭作鶴形仙經云六鶴齊飛蓋其名也宋齊以降多以樗蒲頭戰酒骰子之制亦六鶴樗蒲之變也

手執令

手執令旋其蓋如羊角飛其袂如虎眼然後

可以畋漁風月贈繳笙芋以召飲徒

狂花病葉

或有勇於牛飲者以巨觥沃之既撼狂花復凋病葉者飲流謂睚眦者為狂蒼睡者為病葉

招手令

招手令云亞其虎膺謂手掌曲其松根謂指節以蹲鶚間虎膺之下蹲鶚大指也以鈎戟差玉柱之旁鈎戟頭指玉柱中指也潛虬闊玉柱三分潛虬無名指也奇兵濶潛虬一寸

奇兵小指也死其三洛謂彈其腕生其五峯
通呼五指也

令十說

令有十說有入頭有揭尾有拋過有轉江有
挑心有撮首有五段有三分有轉開有合地
徵名

風雲中徵人名如朱雲斛律明月禽鳥中徵
人名如魏豹扁鵲草木中徵人名如鄧艾越
椒布帛徵人名如季布爰絲顏色中徵人名

如衛青李白形體中徵人名如張耳伯牙親
族中徵人名如王郎衛子夫家具中徵人名
如劉盆子公孫杵臼州郡中徵人名如馮唐
孔光李

寒筵冰法

造寒筵冰法盛夏初夏於井側安鑊用大水
晶一塊大如拳無瑕釁者以新汲水熾火煮
千沸取起瓶口小腹大滿盛其湯以油帛密
封其口勿令泄氣復以重湯煮之千沸急沉

井底平旦出之破瓶冰已結矣

霹靂醉

暑月候大雷霆時收雨水掬米炊飯釀酒名

霹靂醉

文心雕龍

竹生日

竹有生日五月十三也移竹栽宜用此日或

陰雨土虛則鞭竹明年笋莖交出

偷笋

間閭偷笋隔離埋

於牆下一作埋猫狗其

笋自迸出

類說卷之四十三 終

類記

卷之四十三

三



